

御製麻象考成後編

冊四

5.3/200  
8051  
120

24  
25  
26  
27  
28  
29  
30  
31  
32  
33  
34  
35  
36  
37  
38

御製歷象考成後編卷三上

交食數理

交食總論

用日躔月離求實朔望

用兩經斜距求日月食甚時刻及兩心實相距

求月食初虧復圓時刻

食既生光附

求日月實徑與地徑之比例

視徑附

求影半徑及影差

求黃道高弧交角

求月食初虧復圓併徑黃道交角

卽緯差角

求白經高弧交角

求高下差

求日食食甚真時及兩心視相距

交食總論

日月相會爲朔。相對爲望。朔而同度同道。則月掩日。而日爲之食。望而同度同道。則月亢日而月爲之食。

朔望日月皆東西同度。而南北不皆同道。同道則食。顧推步之法。月食猶易。而

日食最難。以月在日下。人在地面。隨時隨處所見常不同也。自大衍以至授時。其法寔備。我朝用西法推驗尤精。上編言之詳矣。近日西人噶西尼等益復精求。立爲新表。其理不越乎昔人之範圍。而其用意細密。又有出於昔人所未及者。如求實朔實望用前後

二時日月實行為比例。昔之用平朔平望實距弧者未之及也。日月兩心相距最近為食甚。兩周初切為初虧。初離為復圓。皆用兩經斜距為比例。昔之用月距日實行者未之及也。日食用圖算。月之視行不與白道平行。帶食日在地平。視差即圓之半徑。月之視距即見食之淺深。昔之言視差者亦未之及也。雖其數所差無多。而其法實屬可取。其他或因屢測而小有變更。或因屢算而益求簡捷。則又考驗之常規。而推步所當從也。各為之。

用日躔月離求實朔望

從來求實朔望有二法。一用本日次日兩子正日月黃道實行度比例。其相會之時刻為實朔。相對之時刻為實望。推逐月朔望用之。見下編推合朔弦望法。以已有本


年逐日之日躔月離故也。一用本年首朔先求本月平朔望之時刻。然後求其平行實行之差。比例加減

而得實朔望之時刻。推交食用之。見上編朔望有平實之殊篇及下編

推日食月食法因上考往古。下推將來。不必逐日悉推其躔

離。而即可逕求其朔望故也。斯二法誠不可偏廢。但

從前交食求平行實行之差。太陰惟用初均。故甚整齊簡易。今求太陰初均。又有諸平均之加減。既屬繁難。而黃白大距。又時時不同。非推月離不得其準。故今交食推實朔望。合二法而兼用之。先推平朔望。以求其入交之月。次推本日次日兩子正之日。躔月離。以比例其時刻。較之舊法。似爲紆遠。然太陰之行甚速。因遲疾差之故。一日之內。行度時時不同。且平行實行之差。大者至八九度。則平朔望與實朔望之相距。即至十有餘度。合以前後兩時相比。比例較之。止用兩子正實行度相比。例者固爲精密。即較之以距時爲比例者。亦又加詳矣。



用兩經斜距求日月食甚時刻及兩心實相距

新法算書以實朔用時卽爲日食食甚用時以實望

用時卽爲月食食甚時刻皆黃白同經太陰白道度與太陽黃道

度相等爲黃白同經上編以此時兩心斜距猶遠惟自白極過

太陽作經圈與白道成直角太陰臨此直角之點兩


心相距最近始爲食甚故以白道升度差爲食甚距

弧以一小時月距目實行比例得時分與實朔望用



時相加減方爲食甚時刻月食卽食甚時刻日食爲食甚用時其法較

前爲加密矣見月食五限時刻日食三限時刻近日西法用日躔月

離比例求實朔望是為黃道同經較之新法算書去  
 食甚為尤遠而其求食甚之法則亦以兩心相距最  
 近為食甚實緯以實朔望太陰距最近點之度為食  
 甚距弧又以黃白二道原非平行而日月兩經常相  
 斜距若以太陽為不動則太陰如由斜距線行故求  
 兩心相距最近之線不與白道成直角而與斜距線  
 成直角其距弧變時亦不以月距日實行度為比例  
 而以斜距度為比例較之上編為尤近焉雖度分時  
 刻所差無多而其理更為細密圖說詳著於左





如圖甲乙為黃道丙乙為白道乙角  
 為中交新法算書以日心在甲月心  
 在丙為實朔影心在甲月心在丙為  
 實望甲乙與丙乙等是為黃白同經  
 無另求食甚之法上編以月行至丁  
 為食甚甲丁距緯與白道成直角較  
 甲丙為近故丙丁為食甚距弧以月  
 距日實行比例得時分加於丙點實  
 朔望之時刻方為食甚時刻今用日





躔月離黃道度算則以日心在甲月  
 心在戊為實朔影心在甲月心在戊  
 為實望甲戊距緯與黃道成直角是  
 為黃道同經戊之去丁較丙丁為尤  
 遠按上編之法當以甲乙黃道度求  
 丁乙白道升度與戊乙太陰距交白  
 道度相減餘戊丁為食甚距弧而仍  
 以甲丁距緯為食甚兩心實相距夫  
 日月各有行分日在甲月既在戊遠  
 月由戊行至丁則日亦不在甲而應  
 謂甲丁為食甚兩心實相距戊丁為  
 食甚距弧者蓋月由戊行至已則日  
 由甲行至庚庚已與甲丁平行甲庚  
 與辛已等庚已與甲辛等丁已與辛  
 已甲丁與庚已皆相差無多故借甲  
 丁為與庚已等為兩心實相距借丁  
 已為與辛已等為日行月食為影心  
行與日行等  
 而戊已原為月行則戊丁即為月距






日之行。故即以戊丁為距弧。以一小  
時月距日實行為比例。即得食甚距  
時也。今求食甚之法。以戊乙與甲乙  
原非平行。日月兩經常相斜距。已點  
固為直角相對之時。而其相距尤近  
必猶在已點之後。試與甲乙平行作  
戊壬線為黃道距等圈。取一小時日  
實行甲癸之分截之於子。取一小時  
月實行截白道於丑。則子丑為一小  
時兩經斜距。又與戊子平行作丑寅  
線。與子丑平行作戊寅線。則寅丑與  
戊子等亦為一小時日實行。戊寅與  
子丑等亦為一小時兩經斜距。戊寅  
丑與戊辛已為同式形。月行為戊丑。  
則日行為寅丑。與甲癸等。斜距為戊寅。月  
行為戊已。則日行為辛已。與甲庚等。斜距  
為戊辛。是日月二道原非平行而兩  
經斜距則常為一線。若以日心為不



動將庚點合於甲。則月心己點必合於辛。將癸點合於甲。則月心丑點必合於寅。是月在戊丑白道上行。即如在戊寅斜距線上行矣。乃自甲點與戊寅斜距成直角作甲卯線。與丑寅平行作卯辰線。與甲卯平行作辰巳線。則甲巳與卯辰等為實朔至食甚之日實行。戊辰為實朔至食甚之月實行。辰巳與甲卯等即食甚兩心實相距甲卯相距之近。尤近於甲辛卯為股。甲辛為弦。是月心臨於辰點。方股必短於弦也。是月心臨於辰點。方為食甚。其實行在巳點後也。若以日心為不動。將巳點合於甲。則月心辰點必合於卯。故戊卯為食甚距弧。求之之法。先用戊丑寅三角形。寅丑邊為一小時日實行。戊丑邊為一小時月實行。丑角與乙角等。即本時黃白交角。用切線分外角法。求得戊角為



斜距交角差。斜距交角差者。乃斜距黃道交角與黃白交角之差。此本係弧線三角形。因其形甚小。故作直線算。以從簡易。並求得戊寅邊為一小時兩經斜距。次用

甲戌卯三角形。以丑戌寅角與丑戌

壬黃白交角相加。戊壬寅丑二線皆與甲乙線平行。故

丑角戌角皆得寅戌壬角為斜距黃

道交角。即與卯甲戌角等。甲戌午與甲卯戌及

戊卯午皆為同式三角形。故寅戌壬角與卯甲戌角等。乃以半

徑與甲角餘弦之比。同於甲戌與甲

卯之比。此亦作直線算。而得甲卯為食甚兩

心實相距。又以半徑與甲角正弦之

比。同於甲戌與戊卯之比。而得戊卯

為食甚距弧。然後以戊寅一小時兩

經斜距為一率。一小時為二率。戊卯


食甚距弧為三率。求得四率為食甚

距時。蓋月行為戊辰。日行為卯辰。斜


距為戊卯。戊卯辰三角形與戊寅丑

三角形為同式比例也。今設乙角為







四度五十八分三十秒。丁甲戊角。戊壬角皆與甲乙為實朔太陰黃道距中交前十度。戊甲為太陰距黃道北五十一分五十七秒六五。寅丑為一小時日實行二分二十七秒八五。戊丑為一小時月實行三十二分五十六秒四六。舊法用甲乙戊三角形。求得甲丁兩心實相距為五十一分四十五秒九〇。戊丁距弧為四分三十




秒三五以日月二實行相減得一小時月距日實行為三十分二十八秒六一。比例食甚距時得八分五十二秒二四。今法先用戊丑寅三角形。求得丑戊寅角二十四分五秒八二。與丑戊壬角相加得五度二十二分三十五秒八二。為斜距黃道交角。與卯甲戊角等。又求得戊寅邊三十分二十九秒一九。為一小時兩經斜距。次



用甲卯戊三角形求得甲卯兩心實  
 相距為五十一分四十三秒九三。此  
 甲丁近一秒。戊卯距弧為四分五十  
 二秒一三。以戊寅兩經斜距比例食  
 甚距時得九分三十四秒九四。比戊  
 丁距時遲四十三秒。是為兩心相距  
 最近之時。若實朔望在交後。則日由  
 乙向甲。月由乙向戊。兩心以漸而遠。  
 食甚在實朔望前。距時比舊為早。其  
 注並同。





甲卯戊後  
 卷三  
 用兩經斜距求日月食



求月食初虧復圓時刻 食則生光附

月食求初虧復圓時刻。以食甚實緯為一邊併徑為  
 一邊。以實緯交白道之角為直角。用正弧三角形法。  
 求得初虧復圓距食甚之弧以一小時月距日實行  
 比例得時分。與食甚時刻相加減。即得初虧復圓時  
 刻。初虧減。復圓加。上編言之詳矣。見月食五限時刻篇。今以弧線可作  
 直線算。故用勾弦求股之法。即得距弧。至以距弧變  
 時。則以一小時兩經斜距為比例。蓋食甚兩心實相  
 距既與斜距成直角。則初虧復圓之併徑亦與斜距

成勾股。故仍以斜距比例時分也。圖說并著於左。



如圖。甲乙為黃道。丙乙為白道。乙角

為黃白交角。實望時地影心在甲。月

心在丙。食甚時。地影心在丁。月心在

戊。戊丁為食甚兩心實相距與甲己

等。丙己為食甚距弧。初虧時。地影心

在庚。月心在辛。辛戊為初虧至食甚

之月實行。庚丁為初虧至食甚之日

實行與壬戊等。辛壬為初虧至食甚

日月兩行之斜距與癸巳等。即初虧

距弧。理與食甚同。庚壬即食甚兩心實相

距與甲己等。庚辛為併徑與甲癸等。

復圓時。地影心在子。月心在丑。戊丑


為食甚至復圓之月實行。丁子為食

甚至復圓之日實行與戊寅等。寅丑


為食甚至復圓日月兩行之斜距與

己卯等。即復圓距弧。子寅即食甚兩

心實相距與甲己等。子丑為併徑與




甲卯等。辛壬庚癸巳甲丑寅子卯巳  
 甲。為相等四勾股形。若以地影心為  
 不動。以食甚影心丁點合於甲。則月  
 心戊點合於巳。以初虧影心庚點合  
 於甲。則壬點合於巳。而月心辛點合  
 於癸。以復圓影心子點合於甲。則寅  
 點合於巳。而月心丑點合於卯。初虧  
 復圓距弧。即與癸卯斜距合為一線  
 矣。故今求初虧復圓距弧。即用癸巳



甲勾股形。以巳甲為勾。癸甲為弦。求  
 得癸巳股與巳卯等。為初虧復圓距  
 弧。夫癸巳與巳卯二弧。既皆為兩經  
 斜距。則以二弧變時。亦當與斜距為  
 比例。故以一小時兩經斜距與一小  
 時之比。同於癸巳或巳卯初虧復圓  
 距弧與初虧復圓距時之比也。若食  
 既生光。則甲癸甲卯二線。為月半徑  
 與影半徑相減之較。其法并與初虧



復圓同。



求日月實徑與地徑之比例

從來算家謂日月之在天其實徑原為一定之數而視徑之大小則因距地有遠近而時時不同然所謂實徑者仍以視徑之大小距地之遠近比例而得今日月本天心之距地心數皆與舊不同則日月距地之遠近亦因之而各異且視徑之大小古今所測相差惟在分秒之間在器只爭毫釐而在數已差千百則實徑究亦未有一定之數也新法算書載日實徑為地徑之五倍有餘中距日天半徑與地半徑之比

例。為一與一千一百四十二。月實徑為地徑百分之

二十七強。中距朔望時月天半徑與地半徑之比例。

為一與五十六。又百分之七十二。上編仍之。以推最

高日天半徑與地半徑之比例為一與一千一百六

十二。最卑日天半徑與地半徑之比例為一與一千

一百二十一。見日躔地半徑差篇。最高朔望時月天半徑與地

半徑之比例為一與五十八。又百分之十六。最卑

朔望時月天半徑與地半徑之比例為一與五十四

又百分之八十四。見交食日月距地與今監臣戴進賢等據西人近年所測日天半徑與地半徑之比例。

最高為一與二萬零九百七十五。中距為一與二萬

零六百二十六。最卑為一與二萬零二百七十七。月

天半徑與地半徑之比例。最高為一與六十三。又百

分之七十七。中距為一與五十九。又百分之七十八

最卑為一與五十五。又百分之七十九。詳本編日躔月離地半徑

差篇。又用遠鏡儀。西人默爵所製。以遠鏡加衡為窺管。測得日視徑最高


為三十一分四十秒。中距為三十二分一十二秒。最

卑為三十二分四十五秒。月視徑最高為二十九分

御製天象考成後 卷三 求日月實徑與地徑之比例 七

二十三秒。中距爲三十一分二十一秒。最卑爲三十三分三十六秒。用此數推算日實徑爲地徑之九十六倍又十分之六。月實徑爲地徑百分之二十七小餘二六強。夫月實徑與舊大致相符。而日實徑差至十九倍者。蓋今所測日距地數比舊原大十八倍餘。則日實徑比舊大十九倍。止爲大十八分之一。故今日視徑亦比舊大十八分之一。是則視徑之大小固各得之實測。要亦合諸推算以成一家之言。至於日體純陽。其光恒溢於常徑之外。新法算書謂周圍皆大一分。今說謂大一十五秒。故推日食之法必於併徑內減去太陽光分一十五秒。餘與視緯相較。方爲受食之分。而日之本徑則仍帶光分算。其理固應爾也。測算之法。並見上編。






求影半徑及影差

地影半徑之大小。由於太陽距地有遠近。及太陰距地有高卑。故先以太陽在最高所生之大影為率。求得太陰從高及卑所當地影之濶為影半徑。又以太陽從高及卑所生各影小於大影之較為影差。與影半徑相減。乃為實影半徑。上編言之詳矣。見地影半徑篇今以三角形之理考之。日月兩地半徑差相併。即與日半徑影半徑相併之數等。而日月地半徑差及日半徑。皆推交食所必用之數。且又皆由距地之高卑遠

近而生。故近日西法皆不用另求影半徑。惟以日月兩地半徑差相加。內減去日半徑。餘卽爲實影半徑。以影差已在其中也。此外又有視影之說。蓋以地上有蒙氣差。能映小爲大。則太陽實徑必小於視徑。實徑小。則影大矣。又月食時日在地下。蒙氣轉蔽日光。則地影視徑必尤大於實徑。計其所大之分。約爲太陽地半徑差六十九分之一。故又以此爲影差。與實影半徑相加爲視影半徑。則所謂影差者名雖同而義實異也。總之算家立說。古今不必相同。然測驗皆期於合天而推步必歸於有據。舊說謂太陽有九分能侵地影使小。今說謂地周有蒙氣能障地影使大。此亦極不同之致矣。然最大影半徑舊爲四十六分四十八秒。今爲四十六分五十一秒。相差不過三秒。最小影半徑舊爲四十二分三十八秒。今爲三十八分二十八秒。相差四分有餘。蓋地影之大小固由於太陽距地之遠近。及太陰距地之高卑。而太陰所關爲尤重。查最卑太陰距地。今昔相差不過百分地半徑之九十五。最高太陰距地。則相差至百分地半徑

之五百六十一。夫月之距地既因兩心差而不同。則月徑與影徑遂亦因之而各異。要皆據一時之所測。設法推步以求合。而非為臆說也。圖說詳著於左。

如圖甲乙為地半徑。甲丙為日天半




徑。丙丁為日半徑。從丁切乙作光線

與丙甲線交於戊。甲戊為地影之長。

甲己為月天半徑。庚己辛為月行所

當地影之濶。己甲辛角為影半徑分。

詳上編地影半徑篇。試觀甲丁辛三角形。丁辛




二內角與壬甲辛一外角等。而丁角

即太陽地半徑差。辛角即太陰地半

徑差。甲丁線略與甲丙日天半徑等。甲辛線略與甲己月天半徑等。

而其角皆與甲乙地半徑相  
 當故其角即為地半徑差角壬甲已  
 角與丙甲丁角為對角即日半徑故  
 以丁角太陽地半徑差與辛角太陰




地半徑差相加即得壬甲辛角丙減  
 日半徑壬甲已角餘已甲辛角即實  
 影半徑蓋日月地半徑差及日半徑

既因日月距地之高卑遠近而時時  
 不同故所得影半徑即為本時之實  
 影半徑不復有影差也又蒙氣映小




為大丙丁為太陽視半徑丙癸為太  
 陽實半徑從癸切乙作光線與丙甲  
 線交於子則月行所當地影半徑為

已丑而已丑之分必大於已辛。且地球外蒙氣之厚如乙寅。從癸切寅作光線與丙甲線交於卯。則月行所當



地影半徑為已辰。而已辰之分必尤大於已辛矣。此辛辰之分當辛甲辰角約為甲辛乙角六十九分之一。故

又以此為影差與實影半徑已甲辛角相加得已甲辰角為視影半徑也。







求黃道高弧交角

求交食方位及日食三差皆用黃道高弧交角。上編月食方位求交角之法與日食三差之求交角者微有不同。而略爲簡易。蓋各圈相交皆成弧線三角形。轉換相求。法可相通。而理實一致。彼此互相發也。近日西法。又以黃道赤經交角與赤經高弧交角相加減。而得黃道高弧交角。用以求月食方位。繁簡大概相同。而用以求日食三差。則甚爲省便。蓋黃道隨天西轉。其象時時不同。而黃道赤經交角無異。不須逐



時推算也。因著其法於左。



如圖。甲爲天頂。甲乙丙爲子午圈。乙丙爲地平。丁爲赤極。戊巳庚爲赤道。辛爲黃極。壬癸子丑爲黃道。巳爲春分。丑爲黃道交西地平之點。壬爲黃平象限距丑九十度。癸爲正午。壬癸爲黃平象限距正午之度。



壬寅爲黃平象限距地平之度。卽丑角度。子爲太陰實行經度。日食卽爲太陽經度。月食爲太陽對衝地影之經度。子巳爲太陰距春分後之經度。子壬爲太陰距黃平象限之度。甲子卯爲高弧。丁子辰爲赤道經圈。辰巳爲赤道同升度。戊辰爲太陰距正午赤道



度。日食即太陽距午正赤道度。月食為太陽距子道度。丑子卯角為黃道高

弧交角。求之之法。先用戊

巳弧求癸巳癸戌二弧及

癸角。次求癸丑弧及丑角

以求子角者。日食三差之

法也。先用巳庚弧求巳丑

弧及丑角以求子角者。月

食方位之法也。今按巳子

辰角即黃道赤經交角。甲

子丁角與辰子卯角為對

角。即赤經高弧交角。兩角

相減。即得丑子卯黃道高



弧交角。夫黃道交地平之

丑角時時不同。而已子辰


黃道赤經交角。則初虧與

復圓無異。然則先求得黃


道赤經交角。至求黃道高





弧交角。則惟求一赤經高  
 弧交角與之加減而已。其  
 加減之法。以太陰在夏至  
 前後各六宮與距正午之  
 東西為定。試以甲為天頂。  
 作乙庚丙巳地平圈。乙甲  
 丙為子午經圈。庚甲巳為  
 東西經圈。庚戌巳為赤道。  
 丑巳未為黃道。巳為春分。  
 當黃平象限。丑為冬至。當  
 西地平。未為夏至。當東地  
 平。是為夏至前六宮在地  
 平上。癸為黃道當正午之  
 度。巳癸為黃平象限。距午  
 東之度。設太陰子點在正  
 午之西。甲子卯為高弧。丁  
 辰子為過赤極經圈。巳子  
 辰角為黃道赤經交角。甲



子丁角爲赤經高弧交角。丑子卯角爲黃道高弧交角。與甲子癸角等。是以甲子丁赤經高弧交角與己子辰黃道赤經交角相減。餘甲子癸角。卽黃道高弧交角也。設太陰申點在正午之東。甲申酉爲高弧。丁申戌爲過赤極經圈。己申





戌角爲黃道赤經交角。與丁申未角等。甲申丁角爲赤經高弧交角。酉申未角爲黃道高弧交角。乃甲申未角之外角。是以甲申丁赤經高弧交角與丁申未黃道赤經交角相加。得甲申未角。與半周相減。餘酉申未角。卽黃道高弧交角。



也。若己為秋分。當黃平象限。未為夏至。當西地平。丑為冬至。當東地平。是為夏至。後六宮在地平上。癸為黃道當正午之度。己癸為黃平象限距午西之度。設太陰子點在正午之西。甲子卯為高弧。丁子辰為過赤極經圈。己子辰角為黃



道赤經交角。與丁子未角等。甲子丁角為赤經高弧交角。卯子未角為黃道高弧交角。乃甲子未角之外角。是以甲子丁赤經高弧交角與丁子未黃道赤經交角相加。得甲子未角。與半周相減。餘卯子未角。即黃道高弧交角也。設太陰



申點在正午之東。甲申酉  
 為高弧。丁戌申為過赤極  
 經圈。己申戌角為黃道赤  
 經交角。甲申丁角為赤經  
 高弧交角。丑申酉角為黃  
 道高弧交角。與甲申癸角  
 等。是以甲申丁赤經高弧  
 交角與己申戌黃道赤經  
 交角相減。餘甲申癸角。即

黃道高弧交角也。此太陰  
 在午東而亦在限東。太陰  
 在午西而亦在限西之常  
 法也。若太陰在夏至前六  
 宮而在正午之東如乾。以  
 己乾亥黃道赤經交角與  
 甲乾丁赤經高弧交角相  
 加。得己乾甲角不足九十  
 度。與酉乾丑角等。則不與

求黃道高弧交角



半周相減。卽以酉乾丑角  
 爲黃道高弧交角。乃知太  
 陰乾點在黃平象限已點  
 之西也。蓋惟正當黃平象  
 限。高弧與黃道成直角。在  
 限西者則高弧與限西之  
 黃道成銳角。在限東者則  
 高弧與限東之黃道成銳  
 角。今已乾甲角既不及九

十度。故知乾點在黃平象  
 限已點之西。而乾酉高弧  
 乃與限西之乾丑黃道相  
 交成銳角也。太陰在午西  
 而在限東者倣此。右圖以二至當  
 地平。乃黃平象限偏午東  
 午西之極大者。如二分當  
 地平。則黃平象限當  
 正午。加減之法並同。至求  
 赤經高弧交角之法。則以  
 北極距天頂爲一邊。影距


御製周髀算經

卷三


求黃道高弧交角

三







北極為一邊。影距正午赤道度。日食則為日距正午赤道度。為所夾之角。用弧三角法算之。如太陰在申。甲申丁三角。申角為赤經高弧交角。甲丁為北極距天頂申丁為影距北極。丁角當戊戌弧。為影距正午赤道度。因丁角為銳角。則自天頂甲





作甲坎垂弧於形內。使坎角成直角。求得甲坎丁坎二邊。以丁坎與丁申相減。即得坎申邊。用之與甲坎邊求申角也。如太陰在艮。甲丁艮角當戊己弧。適足九十度成直角。則甲丁即為垂弧。即用甲丁艮正弧三角形以求艮角也。如太



陰在震。甲丁震角當戊巽  
 弧。過於九十度成鈍角。則  
 自天頂甲作甲離垂弧於  
 形外。使離角成直角。求得  
 甲離離丁二邊。以離丁與  
 丁震相加。即得離震邊。用  
 之與甲離邊求震角也。又  
 如黃道在天頂北。太陰在  
 坤。甲坤丁赤經高弧交角





大於九十度。則自天頂甲  
 作垂弧至兌。而所求之丁  
 兌距極分邊。反大於丁坤  
 影距北極。則以坤兌甲兌  
 二邊求坤角之外角。即知  
 甲坤丁角為鈍角也。若所  
 求距極分邊與影距北極  
 等。即知赤經高弧交角為  
 直角不待求也。至於赤經





高弧交角。有與黃道赤經交角相等者。亦有與黃道赤經交角共爲一百八十九度者。有反大于黃道赤經交角而不足減者。亦有與黃道赤經交角相加大于半周而又減去半周者。如北極出地二十三度二十九分以下。夏至前後黃道

正當天頂。太陰子點在夏至未點之前而在正午之西。當以赤經高弧交角與黃道赤經交角相減爲黃道高弧交角。今甲子丁赤道赤經交角與巳子辰黃道赤經交角相等。兩角相減無餘。卽知黃道與高弧合無交角也。又如太陰申



點在夏至未點之前而在  
 正午之東當以赤經高弧  
 交角與黃道赤經交角相  
 加為黃道高弧交角。今甲  
 申丁赤經高弧交角與己  
 申戌黃道赤經交角相加。  
 共一百八十度。亦知黃道  
 與高弧合無交角也。又如  
 北極出地在二十三度以  
 下夏至前後黃道在天頂

北。太陰子點在夏至未點  
 之前而在正午之西。當於  
 黃道赤經交角內減赤經  
 高弧交角。為黃道高弧交  
 角。今甲子丁赤經高弧交  
 角與辰子卯角等。反大於  
 己子辰黃道赤經交角。則  
 於辰子卯赤經高弧交角



內反減巳子辰黃道赤經交角餘巳子卯角爲黃道高弧交角。卽知黃平象限在天頂北也。又如太陰申點在夏至未點之前而在正午之東。當以赤經高弧交角與黃道赤經交角相加爲黃道高弧交角。今甲申丁赤經高弧交角與戊申酉角等。與巳申戌黃道赤經交角相加。大於一百八十度。則減去巳申戌角及戌申未角共一百八十八度。餘未申酉角爲黃道高弧交角。亦知黃平象限在天頂北也。總之黃道出入於赤道之內外。隨天左旋。其高低斜正。旣隨時不同。

月象卷之八編 卷之二 求黃道高弧交角

三

又以人所居之南北異地  
 改觀益多變換。然定之以  
 數。自無遁形。或從地平立  
 算。或從子午圈立算。或從  
 赤道經圈立算。法雖不同。  
 理實一致。合而觀之。益見  
 弧線三角之用。至通變矣。

求月食初虧復圓併徑黃道交角

即緯差角

定月食方位。月當黃道無距緯。即用黃道高弧交角  
 為定交角。若月在交前後有距緯。則又求緯差角。與

黃道高弧交角相加減為定交角。上編言之詳矣。見

食方然求緯差角之法。必先用初虧復圓交周各求


距緯。今初虧復圓距弧皆斜距之度。須復以斜距與

白道為比例方得交周。頗為費算。且前已有斜距黃


道交角與九十度相加減。即黃道交實緯角。則求得

併徑交實緯角與之相減。餘併徑交黃道之角。即緯



差角。甚為簡便。故質名之曰併徑黃道交角。至其與黃道高弧交角相加減之法。並同上編。茲不復載。



如圖。甲乙為黃道。丙乙為白道。丙丁為黃道距等圈。戊己為日月兩經斜距。甲為地影心。食甚時月心在庚。初虧時月心在戊。復圓時月心在己。戊甲辛角為初虧併徑黃道交角。即初虧緯差角。己甲乙角為復圓併徑黃道交角。即復圓緯差角。求之之法。先



以丙甲庚斜距黃道交角。丙甲庚角與庚丙丁等。與九十度相加。得庚甲辛角為初虧黃道交食甚實緯角。甲庚為食甚係經圖。以其為南北兩心相距。不之度。故借名實緯。以丙甲庚斜距黃道交角與九十度相減。餘庚甲乙角為復圓黃道交食甚實緯角。此論前地影由甲向乙。月由丙向乙。故戊為初虧。己為復圓。若在交後地影由乙向甲。月由乙向丙。則己為初虧。其角與九十度相減。戊為復圓。其角與九十度相減。得庚甲乙角與庚甲己



角等為併徑交食甚實緯角。初虧則與庚甲辛角相減。餘戊甲辛角。即初虧併徑黃道交角。復圓則與庚甲乙角相減。餘己甲乙角。即復圓併徑黃道交角也。乃視併徑交實緯角小於黃道交實緯角。則初虧復圓在黃道之南北與食甚同。若併徑交實緯角轉大於黃道交實緯角。則南北與食甚相反。蓋太陰近交。初虧復圓一在交前。一在交後。則距緯之南北必變。如乙為中交。食甚地影心在甲。月心在庚甲庚為食甚實緯在黃道北。初虧庚甲壬併徑交實緯角小於庚甲辛黃道交實緯角。則初虧亦為緯北。與食甚同。復圓庚甲癸併徑交實緯角大於庚甲乙黃道交實緯角。則復圓變為緯南。與食甚相反也。食甚實緯在黃道南。及食甚在交後者。皆做



此既知初虧復圓併徑黃道交角及其在黃道之南北則與黃道高弧交角相加減為定交角其理并與上編同

### 求白經高弧交角

日食三差之法以黃白二道交角與黃道高弧交角相加減得白道高弧交角白道與高弧及白道經圈相交成正弧三角形直角對高下差交角對南北差餘角對東西差上編言之詳矣今以黃赤二經交角加減黃白二經交角得赤白二經交角與赤經高弧交角相加減得白經高弧交角對東西差餘角對南北差蓋白道與白道經圈相交其角必九十度白經高弧交角即白道高弧交角之餘凡弧角與九十度相減所餘為餘弧

餘是用白經高弧交角與用白道高弧交角等且以

赤經高弧交角與黃道赤經交角相加減得黃道高

弧交角見前篇又加減黃白二道交角爲白道高弧交

角須加減二次而黃赤二經交角卽黃道赤經交角

之餘交食時日必近交黃白二經交角又卽與黃白

二道交角等故以黃赤二經交角與黃白二經交角

相加減得赤白二經交角則爲初虧食甚復圓同用

之數至求三限白經高弧交角止與赤經高弧交角

一加減而得之其法尤爲省便也二經交角加減之

法以黃道之二至白道之二交爲定蓋惟冬夏二至

黃經與赤經合無交角冬至後黃道自南而北黃經

必在赤經西夏至後黃道自北而南黃經必在赤經

東交周初宮十一宮在正交前後白道自南而北白

經必在黃經西猶黃道冬至後交周五宮六宮在中交前後

白道自北而南白經必在黃經東猶黃道夏至後乃視黃經


在赤經西白經又在黃經西或黃經在赤經東白經

又在黃經東則相加得赤白二經交角東仍爲東西

仍爲西若黃經在赤經西而白經在黃經東或黃經

在赤經東而白經在黃經西則相減得赤白二經交角。黃赤二經交角大則從黃經之向。黃白二經交角大則從白經之向。若兩角相等而減盡無餘則白經與赤經合。無交角也。其與赤經高弧交角加減之法則以日距正午之東西為定。蓋惟日當正午則赤經與高弧合。無交角。午前赤經必在高弧東。午後赤經必在高弧西。乃視赤經在高弧西。白經又在赤經西。或赤經在高弧東。白經又在赤經東。則相加得白經高弧交角。午東亦為限東。午西亦為限西。若赤經在高弧東。而白經在赤經西。或赤經在高弧西。而白經在赤經東。則相減為白經高弧交角。赤白交角小。則午東仍為限東。午西仍為限西。赤白交角大。則午東變為限西。午西變為限東。若兩角相等而減盡無餘。則白經與高弧合。無交角。即知太陽正當白平象限上。若兩角相加適足九十度。則白道在天頂與高弧合。若兩角相加過九十度。則與半周相減用其餘。即知白平象限在天頂北也。是法也。不用求黃道高弧交角而逕求白經高弧交角。入算甚簡。而理亦無遺。

如圖甲為天頂乙丙丁戊為地平圈丙己戊為赤道



庚己辛為黃道己為春分

庚為冬至辛為夏至癸為

赤極即北極壬為黃極庚壬

癸辛為過二至經圈即過

二極經圈冬至日行在庚

黃赤二經合為一線無交

角冬至後日行自南而北

黃經必在赤經西漸遠則

角漸大至春分而止如日

行在子壬子黃經在癸子


赤經西壬子癸角為黃赤



二經交角即癸子己黃道

赤經交角之餘己子壬角九十度


春分日行在己壬己黃經

在癸己赤經西壬己癸角








爲黃赤二經交角。與戊己  
 辛二道交角等。壬己辛角  
戊己癸角  
 皆九  
 十度。是爲最大。過此又漸  
 小。夏至日行在辛。則黃赤  
 二經又合爲一線。無交角。  
 夏至後。日行自北而南。黃  
 經必在赤經東。漸遠則角  
 又漸大。至秋分而止。如日  
 行在丑。壬丑黃經在癸丑  
 赤經東。壬丑癸角爲黃赤  
 二經交角。即癸丑辛黃道  
 赤經交角之餘。癸丑辛角  
與寅丑卯  
 角。秋分日行在寅。壬寅黃  
 經在癸寅赤經東。壬寅癸  
 角爲黃赤二經交角。與丙  
 寅辛二道交角等。過此又  
 漸小。至冬至乃復合爲一  
 線也。至白道之交於黃道。



亦如黃道之交於赤道。但其行度自正交起算。交食時日月又必近交。故其南北東西及兩經交角。惟以兩交為定。設白極在辰。正交在午。白道自南而北。道之春分。日行在正交點如午。或正交前如子。正交後如己。白經皆在黃經西。黃白



二經交角皆與黃白二道交角為相等。惟日在正交午點。其壬午辰黃白二經交角與庚午未黃白二道交角等。若在交前如子。交後如己。其壬子辰與壬己辰黃白二經交角皆微小於二道交角。然所差無多。故為相等。與上編捷法同。此黃經在赤經西。白經又在黃經西。則以黃白二經交角與黃赤二經交角相加為赤白二經交



角也。設白極在申。中交在

酉。白道自北而南。猶黃道之秋分。

日行在中交點如酉。或中

交前如子。中交後如己。白

經皆在黃經東。黃白二經

交角亦與黃白二道交角

為相等。此黃經在赤經西

而白經在黃經東。則以黃

白二經交角與黃赤二經

交角相減。為赤白二經交

角。黃赤二經交角大。則從

黃經之向。白經亦在赤經

西也。設黃經在赤經西。而



中交近二至經圈如戌。亥

戌。白經在壬戌黃經東。壬

戌。亥。黃白二經交角反大

於壬戌。癸戌。黃赤二經交角



相減。餘癸戌。亥角。為赤白



二經交角。則從白經之向。白經轉在赤經東也。既得赤白二經交角。是為初虧。食甚復圓同用之數。初虧至復圓。太陽行度無幾。隨時求故。二經交角不改。隨時求得赤經高弧交角。與之加減。即得各時白經高弧交角。如日行在子。是為午後。甲子癸角為赤經高弧交角。辰子癸角為赤白二經交角。此赤經在高弧西。白經又在赤經西。則相加得辰子甲角為白經高弧交角。白經更在高弧西。是知太陽在白平象限西也。又如日行在己。是為午前。甲己癸角為赤經高弧交角。辰己癸角為赤白二經交








與用白道高弧交角一理也。又如癸丁北極出地二十八度。赤道距天頂之甲震弧亦二十八度。春分已點在午西。夏至前巽點當正午。震巽距赤道北二十三度餘。正交在離。巽甲距黃道北又四度餘。則白道在天頂與高弧合。日行在

離甲離癸赤經高弧交角與癸離坤赤白二經交角相加得甲離坤白經高弧交角適足九十度。蓋白經與白道相交。其角必九十九度。白道既與高弧合。故白經高弧交角亦九十度也。過此以往北極愈低。則白道極北入地平下。南出地

求白經高弧交角





求高下差

平上白道即在天頂北。白經高弧交角即大於九十度而成鈍角。則與半周相減。餘為白道南之經圈與高弧相交之角。是不求限距地高。而白平象限在天頂之南北。俱以白經高弧交角為定也。白經在赤經東者。倣此。



高下差者。日月高下之視差也。日食甚用時。乃從地心立算。人在地面視之。則有地半徑差。而太陽地半徑差恒小。太陰地半徑差恒大。故於太陰地半徑差內減去太陽地半徑差。始為高下差焉。見上編日食三差及日月地半徑差篇。如日月實高本係同度。而太陽以地半徑差之故。視高比實高低五秒。太陰以地半徑差之故。視高比實高低三十分。則人之視太陰。必比太陽低二十九分五十五秒也。然求兩地半徑差而後相減。





實高為壬甲丁角。視高為壬乙庚角與癸甲丁角等。其差壬甲癸角。即本時太陽地半徑差與甲壬乙角等。將壬乙線引長作甲子垂線。即其角之正弦與壬丑等。甲乙子勾股形。子角為直角。乙角與丙乙壬角為對角。即太陽視距天頂之度。甲乙即地平太陽地半徑差之正弦。甲子即本時太陽地半徑差之正弦。因其邊度甚小。正弦與弧線可以相為比例。則甲乙即為地平太陽地半徑差與庚丁弧等。甲子即為本時太陽地半徑差與壬癸弧等。故以子直角正弦與





乙即地平太陰地半徑差  
 與寅巳弧等甲子即本時  
 太陰地半徑差與辰巳弧  
 等故以子直角正弦與乙  
 角太陰視距天頂正弦之  
 比亦同於地平太陰地半  
 徑差甲乙與本時太陰地  
 半徑差甲子之比也試以

日天半徑與月天半徑為

相等而比較之

日天月天半徑不等

故地半徑雖等而差角不  
 等今以日天半徑與月天  
 為相等則差角之不等者  
 其正弦亦不等乃可相較  
 也

自地平太陽實高線割

月天之未點與乙庚視高

線平行作未申線則甲未

申角與甲庚乙角等甲申

即地平太陽地半徑差

甲申

本係甲未申角之正弦因  
 以正弦作弧度則甲申正


球高下差














甲癸則角度必較弧度為稍大。蓋視高低於實高。其大固宜。然所差甚微。故亦以弧度為比例。而乙丑卽為本時太陽地半徑差。亦卽為本時太陰地半徑差也。試自地平太陽視高線割月天之卯點。與甲丁實高線平行作卯辰線。則乙




卯辰角與甲丁乙角等。乙辰當辛卯弧。卽地平太陽地半徑差。以乙辰與地平太陰地半徑差甲乙相減。餘甲辰當卯巳弧。卽地平高下差。自本時太陽視高線割月天之巳點與甲壬實高線平行作巳辰線。則乙巳辰角與甲壬乙角等。


求高下差





乙午當寅巳弧即平時太陽地半徑差以乙午與本時太陰地半徑差乙丑相減餘午丑與辰未等當巳癸弧即本時高下差甲乙丑與甲辰未為同式形丑未二角為直角甲角為日月實距天頂之度故以直角正弦與實距天頂正弦之比同於地平地半徑差甲乙與本時地半徑差乙丑之比亦同於地平高下差甲辰與本時高下差辰未之比也今日食用簡平儀法求地面日影心之所在皆用實高比例高下差設日實高在丁則正射地心照至地面西點之影當



月天已點之度照至地面  
 乙點之影當月天卯點之  
 度是西乙地面上應日天  
 實距天頂之丙丁弧而其  
 當月天之度則為卯己高  
 下差也設日實高在壬則  
 正射地心照至地面申點  
 之影當月天癸點之度照  
 至地面乙點之影當月天




已點之度是乙申地面上  
 應日天實距天頂之丙壬  
 弧而其當月天之度則為  
 巳癸高下差也若以地平  
 高下差為半徑作地面平  
 圓則甲乙卯己之度為  
 地平高下差當乙西地面  
 以地球為平面則地面之  
 弧與正弦等甲乙為乙西  
 弧之正弦故甲與日天之  
 乙當乙酉弧



丙丁弧等。乙丑卽巳癸之  
 度爲本時高下差。當乙申  
 地面。乙丑爲乙申弧之正  
 弦。故乙丑當乙申弧  
 與日天之丙壬弧等。由此  
 推之時時實距天頂之度。  
 在地面皆與本時高下差  
 等。實距天頂之度。原與地  
 面之弧度等。簡平儀以  
 地球爲平面。則地面之弧  
 又與地面之正弦等。今地  
 面之正弦既爲高下差。故  
 實距天頂之度。卽與高下

差。故隨高弧之所向。以高  
 下差之度自圓心取之。卽  
 日影心之所在。隨白經之  
 所向。以實緯之度自圓心  
 取之。卽月影心之所在。此  
 所以用實高爲比例。於視  
 差之理。尤爲顯而易明也。

求高下差



求日食食甚真時及兩心視相距

日食求食甚真時及食甚視緯。新法算書用渾天儀法。以食甚用時之東西差與食甚近時之東西差相較。得視行。以用時之東西差比例得時分。與食甚用時相加減。限西加限東減而得食甚真時。以真時之南北差與食甚實緯相加減。白平象限在天頂南。緯南則加。緯北則減。白平象限在天頂北。而得食甚視緯。上編言之詳矣。見日食三求食甚真時然其求真時也。必求太陰視行正當實緯之度。乃以視行之道與白道為平行。故與實緯成

直角而視緯與實緯必合為一線也。夫近時之東西  
差與用時之東西差既不等。因白道高弧交角及  
高下差不同之故。則

南北差亦不等。而視行即不與白道平行。視行既不

與白道平行。則實緯即不與視行成直角。而日月兩

心相距最近之線亦不與實緯合為一線矣。近日西

法用簡平儀繪圖算。渾儀從上視。如觀  
平面。是為簡平儀。以本日地平

高下差。本日地平日月兩地半徑差  
相減。餘為本日地平高下差。為半徑作平圓。

即地徑當  
月天之度。即地受日照之半面。上應渾天半周。圓心

即日射地面至地心之點。以人視日。則人所處之地

面即日影心。以日照月。則月所當之地面即月影心

假令人所處之地面正在圓心。則必見日當天頂。又

正當子午圈。而月之實緯即日月兩心視相距。外此

則日影心之所在。隨時隨地不同。若日影心與月影

心同點。則必見日全食。若日影心與月影心之相距

大於併徑。則不見食。故先以食甚用時求其兩心視

相距。復設一時。限西向後設。  
限東向前設。亦求其兩心視相距。以


此兩視距線及所夾之角。求其對邊為視行。自日影

心至視行作垂線。與視行成直角。是為兩心相距最




近之處。月影心臨此直角之點。即為食甚真時。因垂線不與實緯合。故不曰視緯而曰兩心視相距。然後以所得真時復考其兩心視相距。果與所求垂線合。則食甚真時即為定真時。不然則又作垂線求之。蓋太陰視差時時不同。其視行之道既不與白道平行。又不能自成直線。其兩心視相距最近之線。不與白道成直角而與視行成直角。兩心實相距不與白道成直角而與斜距成直角。兩心視相距又不與斜距成直角而與視行成直角。今法與舊法之不同在此。故反覆推求。務得太陰正當視行直角之點。斯為兩心最近之處。而食甚乃為確準也。是法也。可以圖代算。可以一圖而知各地見食之不同。新奇精巧。與舊法迥殊。然其理無不可以相通。蓋舊法以渾測渾。可實指其東西南北之差。而視行之法甚簡。新法寫渾於平。可實稽其實距視距之異。而視差之理尤精。今以新法合舊名義。參觀而詳解之。則理之確者以並觀而益明。法之奇者因相較而益顯。庶觀者由舊徑以適新途。不致有捍格之勢。而算者取新法以合舊範。更坐收密合之方矣。



密合之方矣。





如雍正八年庚戌六月戊戌朔日食。太陰實引初宮八度四十七分三十一秒四〇。地平地半徑差五十三分五十九秒九〇。內減太陽地平地半徑差十秒餘五十三分四十九秒九〇。為本日地平高下差。以此為乾坎半徑作坎艮震



巽平圓。以五十三分作五十分。以四十九秒九〇通作八釐三毫。繪圖用四分之一。後做此。即地球受日照之半面上。應渾天半周。而其當月天之度。則為五十三分五十九。四十九秒九〇。進為五十九秒。入算仍用小餘。他做。故以地球上應渾天之度而論。則乾為日照地面之正中。距圓界各九十度。



以地球為平面。則地面之弧與正弦等。半徑為九十度。即九十度。故半徑即九十度。假令人在圓心乾。則見日當天頂。又當正午。坎震赤道經圈。即其地之子午圈。艮巽即其地之卯酉圈。坎為北。震為南。艮為東。巽為西。若人在圓界。則見日當地平。在坎震線之西者。見日為午前。午後。自是以外。則見日之高下。隨地不同。要以人所處之地。面為日影心。上應本處天頂。人距日照地面。正中之度。即日距天頂之度。而以地面所當月天之度。而論。則地之半徑與地平高下差等。人距日照地



面正中之度與本時高下  
差等。見前高下差篇。故隨高弧之

所向以本時高下差之度。

自圓心取之即人所處之

地面亦即本時之日影心

隨白經之所向以月實緯

之度自圓心取之即本時

之月影心夫月影心當月

天之度即太陰之實緯度

而日影心當月天之度不

為太陽之實高度而為太

陽之視高度則地面日月

兩影心之相距因高下差

而殊而食甚之早晚食分

之淺深所以因視差而變

者皆可按圖而稽矣乃以



本時日距赤道北二十一  
度三十八分一十二秒○

御製天象考

卷三

求日食甚時

三



二取艮離巽坤之分。即離乾艮

角與坤乾巽角等。作離坤線截赤道經圈於兌作艮兌巽弧

為赤道則兌乾即日距赤道北之緯度又作甲乾乙

弧為赤道距等圈即太陽隨天西轉之軌又以坎艮

九十度之分自離截圓界於丁自坤截圓界於丙作

於丁自坤截圓界於丙作

丙丁線截子午圈於戊則

戊點為北極戊兌為九十

度戊乾為日距北極六十八度二十一

分四十七秒九八又以本時黃赤二經

交角九度二十一分二十

秒五七取坎乾已角。本時日在

夏至後黃經在赤日在經東故向東取作已庚

線為黃道經圈自乾與已

線為黃道經圈自乾與已

線為黃道經圈自乾與已

線為黃道經圈自乾與已



線為黃道經圈自乾與已

線為黃道經圈自乾與已



初製孫 履 卷 後

一求日食食甚真時

三



庚線取直角。作辛乾線爲黃道。辛爲秋分。乾辛爲日距秋分前六十七度四十二分五十四秒四三。是時京師食甚用時爲午正二刻九分五十八秒九五。日距午西赤道度爲九度五十九分四十四秒二五。則京師地面必在坎震線之東。故以用時赤經高弧交角二十二度四十二分八秒三九。取戊乾壬角。以用時日距天頂二十度九分四十八秒二七之高下差一十八分三十三秒三四。取壬乾之分。作壬乾線。自戊向壬作戊壬癸弧。則壬點爲京師之地面。卽用時



之日影心上應京師天頂

壬乾為用時日距天頂之

高弧在地則與用時高下

差等戊壬癸為京師子午

圈戊壬為京師北極距天

頂五十度五分戊角為用

時日距午西赤道度

戊乾壬角及乾壬弧俱用戊乾

壬角壬三角形求之而得又以

斜距黃道交角五度四十

四分五十五秒二九取已

乾子角

本時月在中交前白經在黃經東故



向東取作丑寅線為白道經

圈即斜距經圈以月實緯距黃

道北二十三分二十八秒

四五自乾向北截之於子



與丑寅線取直角作卯辰  
線為白道即兩經斜距則子點  
為用時月影心壬子即用



時日月兩影心視相距乃  
 用乾壬子三角形乾子為  
 食甚用時日月兩心實相  
 距乾壬為用時高下差以  
 已乾丑黃白二經交角與  
 坎乾已黃赤二經交角相  
 加得坎乾丑角一十五度  
 六分一十五秒八六為赤  
 白二經交角黃經在赤經

黃經東與坎乾壬赤經高  
 故相加與坎乾壬赤經高  
 弧交角相減餘丑乾壬角  
 七度三十六分五十二秒  
 五三為用時白經高弧交  
 角卽用時對兩心視相距  
 角赤經在高弧西白經在  
赤經東故相減赤白交  
角小自經仍用切線分外  
 在高弧西用切線分外  
 角法求得壬角一百四十  
 六度三十四分二秒〇七





爲用時對兩心實相距角。

又求得壬子邊五分三十

八秒七四爲用時日月兩

影心視相距此時白經實

距在高弧西月影心必在

日影心之西則食甚用時

尙在食甚前也次向後取

未初初刻爲設時。白經在高弧西

月影心差而西用時尙在

在高弧東用影心差而東

用時已過食甚後則向前

設以設時赤經高弧交角

三十一度三十三分一秒



七三取戊乾巳角以設時

日距天頂二十二度一十

七分四十二秒二六之高

下差二十分二十五秒三

五取乾巳之分作乾巳線  
自戊向巳作戊巳弧則巳



點為設時日影心乾巳為

設時日距天頂之高弧在

地則與設時高下差等戊

巳即京師北極距天頂五

十度五分與戊壬等

本太陽隨

距等圈西轉今以太陽為

不動則影向東移亦與赤

道成距等圈其

距北極皆相等巳戊乾角

即設時日距午西一十五

度戊乾巳角及乾巳弧俱

得次以設時距用時二十

分一秒〇五與一小時兩

經斜距二十七分一十六

秒五六為比例得用時至

設時之月實行為九分六

秒自子向東截之於午則

午點為設時日影心午子



為設時距弧

月由白道東

行設時在用

時後故距

弧向東取午乾子角為設



時對距弧角二十一度一

十一分二十秒九九午乾

為設時兩心實相距二十

五分一十秒五八午乾子角及午

乾弧俱用午乾子角及午

三角形求之而得巳午為

設時日月兩影心視相距

乃用巳乾午三角形以坎

乾已設時赤經高弧交角

與坎乾丑赤日二經交角

相減餘丑乾已角一十六

度二十六分四十五秒八

七為設時白經高弧交角

加減之理與用時

白經高弧交角同與午乾

子對距弧角相減餘巳乾



午角四度四十四分三十

五秒一二即設時對兩心

視相距角月在高道北白



距弧角大則實距在高弧對

東對距弧角小則實距在



高弧西。白經在高弧東者。做此用切線分外角法。求得巳角一百五十五度五十七分四十六秒四。為設時對兩心實相距角。又求得巳午邊五分六秒六五。為設時兩心視相距。此時實距在高弧東。月影心必在日影心之東。則設時已過食甚後而食甚真時之月實行。必在子午二點之間矣。於是與巳午線平行。作壬未線與巳午等。為設時兩心視相距。又與巳乾平行。作壬申線。為設時高弧。則未壬申角與午巳乾角等。以丑乾壬用時。白經高弧交角與丑乾巳設時。白經高弧交



角與午巳乾角等。以丑乾壬用時。白經高弧交角與丑乾巳設時。白經高弧交



角相減餘壬乾巳角八度  
 四十九分五十三秒三四  
 為兩白經高弧交角較與  
 乾壬申角等與乾壬子用  
 時對兩心實相距角相減  
 餘申壬子角一百三十七  
 度四十四分八秒七三為  
 設時高弧交用時視距角  
 與未壬申角相加未壬申  
 角與壬



已乾角等即對設  
 時兩心實相距角得二百  
 九十三度四十一分五十  
 五秒一三與三百六十度  
 相減餘未壬子角六十六  
 度一十八分四秒八七為  
 對設時視行角用時實距  
 設時實距在高弧東兩角  
 與高弧相背故相加若同  
 在高弧之一邊則相減又  
 用時設時兩月影心俱在  
 日影心之北兩角與兩視  
 距相背俱為鈍角故相加

球日食食甚時





即過一百八十度與全周相減。方為兩視距所夾之角。乃用未壬子三角形。壬子為用時兩心視相距。未為設時兩心視相距。未壬子角為所夾之角。用切線分外角法。求得子角五十二度二十九分四十五秒六九。為對設時視距角。又求得子未邊五分五十三秒九五。為設時視行。次

自壬作壬酉垂線與子未視行成直角則壬酉相距為最近。故用壬子酉直角形。求得子酉分邊三分二十六秒二三。為真時視行。以子未設時視行與設時距分二十分一秒〇五之比。即同於子酉真時視行





與真時距分一十一分三十九秒八〇之比。與食甚用時相加。得午正三刻六分三十九秒為食甚真時。食甚用時白經在高弧西月影視在西真時在用時後。故加若白經在高弧東用影視在東真時在用時前。則又求得壬酉垂線四分二十九秒。即食甚真時兩心視相距也。夫京師之

地面為日影心。而用時日影心在壬。設時日影心在巳。其故何也。此圖用三蓋人之所處原有定在。而太陽隨天西轉。其所照之地面時時不同。設時太陽既轉而西。人在壬視之。則乾點亦移而西矣。今仍就原





乾點立算。則人之視日。如在巳視乾。是非人所處之地面改也。日之所照者。改也。若就一壬點立算。則設時日照地面正中之點。隨距等圈西轉至申。白道經圈西轉至戌。戊申為太陽距北極與戊乾等。申戌為距緯與子乾等。戊申戌角為赤白二經交角與戊乾丑角等。戊壬為京師北極距天頂與戊巳等。申戌壬角為設時日距午西赤道度與乾戌巳角等。戊申壬角為設時赤經高弧交角與戊乾巳角等。申壬為設時太陽距天頂。即設時高下差與乾巳等。戌申壬角





為設時白經高弧交角與  
 于乾巳角等。戌未為設時  
 距弧與子午等。未申戌角  
 為設時對距弧角與午乾  
 子角等。壬申未角為設時  
 對兩心視相距角與巳乾  
 午角等。人在壬視之。則日  
 影心總在壬。而用時則見  
 月影心在子。設時則見月  
 影心在未。是自用時至設  
 時見月影心循子未線行。  
 故子未為設時視行夫子  
 未視行線既不與白道平  
 行。則壬酉兩心相距最近  
 之線。即不與白道成直角  
 而與視行成直角。故以月  
 影心臨於酉點為食甚真  
 時。以壬酉垂線為食甚兩



心視相距也。然則與舊法

之可以相通者何也。蓋舊

法從太陰取高下差。今從

日影心當月天之度取高

下差。形象雖殊。理數則一。

試與白道平行作壬亥水

線。與白經平行作壬火木

線。及未土線。則壬亥即用

時東西差。乾亥即用時南

北差。與乾子相減。餘亥子

用壬亥子勾股形。亦可求

壬子邊。壬水即設時東西

差。申水即設時南北差。以

申水與申戌相減。餘壬火。



壬火與壬戌相減。餘壬火。

壬戌等。以壬水與戌未距

弧相減。餘火未。用壬火未

勾股形。亦可求壬未邊。壬

卯月天象考後 卷二 求日食食甚真時



與子木等。火未與木土等。壬火與亥子相減餘未土。亥子與壬木等。火木與未求子未邊。既得三邊。則用壬子未三角形。亦可求中垂線矣。是則與舊法之可以相通者然也。然則與舊法之所以異者何也。按舊法當以壬水設時東西差

與戌未設時距弧相減。舊法

以用時東西差為距弧。故即以兩東西差相減餘

火未與子木用時東西差

相加。火未與木土等。子木與壬亥等。得子

土為設時視行。乃以白道



度算。故以太陰視行經度

臨於白道木點為食甚真

時。壬木線與白道成直角。

今以子未為設時視行。不

求日食食甚真時





以白道度算。故以月影心臨於酉點為食甚真時。壬酉線不與白道成直角。而與子未視行成直角。是則與舊法之所以異者然也。然則設時與近時之不同何也。蓋舊法以木點為白道當太陽之度。故先求實行。至木點之時刻為近時。而近時視行又不正當木點。故又以近時視行與近時距分為比例而得食甚真時。今以實行至未點之時刻為設時。故以設時視行與設時距分為比例而得食甚真時。其所不同者惟在視行與白道平行不平行之殊。若均以視行為

印川天辰

求日食食甚真時

三



不與白道平行立算則或

用設時或用近時其所得

真時正自相同也然則簡

平與渾天之同異何也蓋

渾天以仰觀立算故以太

陰當日天之度為視差簡

平以俯視立算故以太陽

當月天之度為視差今乾

甲一點之影自日心正射

地心乃太陽實高當月天

之度壬點之影自日心照

至地面乃太陽視高當月

天之度見前高下差篇故壬乾壬



申皆為高下差夫太陽視

高既當月天壬點而用時

月心原在月天子點設時



月心原在月天未點故壬

子壬未即皆為日月兩心



視相距。是以日天當月天之度算也。若以月天當日天之度而論。則用時月天壬點之度當日天之乾。而太陰子點即當日天之亢。故子亢為用時高下差與乾壬等。乾亢為用時兩心視相距與壬子等。設時月天已點之度當日天之乾。而太陰午點即當日天之氏。故午氏為設時高下差與乾已等。乾氏為設時兩心視相距與已午等。亦與壬未等。而亢氏亦與子未等。是簡平與渾天本屬一理。但自圓外觀耳。如以圓內仰觀立算。則上為北。下為南。東西猶舊。

此以白平象限在天



頂南而論。如白平象限在天頂北。則上為南下為北。東西用時日心在乾。月心相反。

實高在子。視高在亢。子亢

為用時高下差一十八分

三十三秒三四。此圖用全分。乾

子亢角為用時白經高弧

交角七度三十六分五十

二秒五三與子亢房角等

子房為用時東西差二分

二十七秒五三與亢斗等

房亢為用時南北差一十

八分二十三秒五二與子

斗等。以子斗與子乾二十



三分二十八秒四五相減。

餘斗乾五分四秒九三。用

乾斗亢勾股形。求得乾亢



弦五分三十八秒七四。為

用時兩心視相距。設時日



心仍在乾。月心實高在午。視高在氏。午氏爲設時高下差二十分二十五秒三。五。午氏牛角爲設時白經高弧交角一十六度二十六分四十五秒八七。牛午爲設時東西差五分四十六秒九一。牛氏爲設時南北差一十九分三十五秒二二。與子女等。以牛午與子午設時實距弧九分六秒相減。餘子牛三分一十九秒。○九爲設時視距弧與女氏等。以子女與子乾相減。餘女乾三分五十三秒二三。用乾女氏勾股形。求得乾氏弦五分六秒六五。爲設時兩心視相距。次





以女氏設時視距弧與亢

斗用時東西差相加。女氏與斗

等虛得亢虛五分四十六秒

六二為用設二時視距和

以房亢用時南北差與牛

氏設時南北差相減餘虛

氏一分一十一秒七〇為

用設二時緯差較用亢氏

虛勾股形求得亢氏弦五

分五十三秒九六為設時

視行次用乾亢氏三角形

求中垂線分為兩勾股法

求得亢危分邊三分二十

六秒二四為真時視行乾



危垂線四分二十九秒為

真時兩心視相距。乾亢乾氏兩腰

各自乘相減以亢氏勾和

除之得勾較與勾和相加折半得亢危大勾勾弦求股得乾危垂線其數

御製... 欽定四庫全書 算學 卷三 求日食食甚時刻



皆與前同。是東西南北差

與實距視距一理也。如用

近時之法算之。先以子房

用時東西差二分二十七

秒五三取子甲之分為近

時實距弧。以一小時兩經

斜距二十七分一十六秒

五六為比例。而得近時距

分五分二十四秒五二。為

太陰行于甲弧之時分。近

時距用時。與食甚用時午

正二刻九分五十八秒九

五相加。用時月在白平象



西。近時在用時後。故加。若

月在白平象限東。視經度

差而東。近時在得午正三

刻零二十三秒四七。為食

甚近時。即太陰行至甲點



甲。視高在乙。甲乙為近時

高下差一十九分零百分

秒之三十七。按法求得甲

乙丙角一十度一十二分

一秒九二。為近時白經高

弧交角。甲丙為近時東西

差三分二十一秒九五。丙

乙為近時南北差一十八

分四十二秒三五。與子丁

等。以子甲近時實距弧與

甲丙近時東西差相減。餘

子丙五十四秒四二。為近

時視距弧。在實緯西。即近

行距實緯之弧。月在白平

象限西。視經度差而西。而



東西差大於實距弧。故為

緯西。若小於實距弧。則為

緯東。月在與乙丁等。以子  
丁近時南北差與子乾實  
緯二十三分二十八秒四

求日食食甚真時

御製曆象考原編後



五相減與丁乾四分四十

六秒一〇用乾丁乙勾股

形求得乾乙弦四分五十

一秒二三為近時兩心視

相距次以子丙近時視距

弧與子房用時東西差相

減餘丙房一分三十三秒

一一與亢戊等為用近二

時視距較用時東西差與近時視距弧同

在緯西故相減為視距較若一東一西則相加為視

距以房亢用時南北差與

丙乙近時南北差相減房亢

與丙餘戊乙一十八秒八

三為用近二時緯差較用


亢戊乙勾股形求得亢乙

弦一分三十四秒九九為

近時視行即近時距用時之視行次

用乾亢乙三角形求形外

朔日食食甚時



垂線補成兩勾股法求得

亢巳分邊三分二十五秒

○三為真時視行即真時距用時

之視以亢乙近時視行與


近時距分五分二十四秒

五二之比同於亢巳真時

視行與真時距分一十一

分四十秒四六之比即真時距

用時之與食甚用時相加



限西故加限東則減與近時同得午正三

刻六分三十九秒為食甚

真時又求得乾巳垂線四

分二十九秒為真時兩心

視相距乾亢乾乙兩腰各



為法除之得數大於亢乙

則所得為兩勾和而亢乙

為兩勾較故知垂線在形

外若除得之數小於除之

之數則所得之數為兩勾



小腰即係垂線成直角也。其數與用設時所得同。是用近時與用設時一理也。乃以真時午正三刻六分三十九秒。按前法求其實高在庚。視高在辛。乾辛兩心視相距果為四分二十九秒。與前所求垂線合。而辛角猶未為直角。故又求得乙辛邊一分五十秒。四九為考真時視行。乙壬邊五十一秒。



一。為定真時視行。乾壬垂線仍為四分二十九秒。為定真時兩心視相距。以乙辛與考真時距分六分一十五秒五三之比。即真時距近時之時。同於乙壬與定真時距分六分一十七秒三二。

御製歷象考成

後

求日晷晷量時

三



之比與近時相加得午正  
 三刻六分四十秒七九為進  
 四十一秒始為食甚定真時焉  
 蓋食甚時兩心視相距之  
 線與視行成直角故前後  
 數秒之間其相距皆相等  
 若秒下加小餘細考之則  
 午正三刻六分四十一秒  
 之時相距為四分二十九

秒二三八九其三十九秒  
 之時則相距猶為四分二  
 十九秒二三九九至四十  
 三秒之時則相距又為四  
 分二十九秒二三九一故  
 以四十一秒之時為相距  
 尤近然測候之際至分已  
 密故推算之法總以三十  
 秒進一分秒下之小餘原

可不計。今考之又考者。第  
以求其確準耳。若用新數  
而以視行與白道爲平行  
算之。則早三分有奇。故今  
推視行之法。尤爲精密。至  
求近時。則猶求設時之法  
也。求視差。則猶求視距之  
法也。理無殊塗。法歸一致。  
庶幾質諸往昔而無疑。用  
之推步而不忒矣。



御製尼參考方編

卷三

及兩心視相距

七

